



Elorriko udala

Kirola, Gazteria
eta Jarduera Fisikoa

IRAGARKIA

Elorrioko Udalak 2026ko ekitaldiari dagozkion kirol-klubentzako ezohiko dirulaguntza deialdia onartzea (2026-00799 espedientea).

Alkatearen 2026ko martxoaren 3ko 131 zenbakiko Dekretuaren bidez, Elorrioko Udalaren laguntzen deialdia onartu da, udalerrian jarduerak antolatzen dituzten 2026ko kirol-klubei ezohiko dirulaguntzak emateko. Beraz, dagozkion oinarri espezifikoak osorik argitaratzen dira.

Deialdi hau 2008ko abenduaren 18an egindako Ohiko Osoko Bilkuran onartutako Dirulaguntzen Oinarri Arautzaileen arabera egin da (2009ko martxoaren 9ko Bizkaiko Aldizkari Ofizialean argitaratuak). Bi aldaketa izan zituen: lehena, 2010eko otsailaren 11n Osoko Bilkurak onartua (eta maiatzaren 10ean Bizkaiko Aldizkari Ofizialean argitaratua) eta bigarrena, 2011ko abenduaren 28an Osoko Bilkurak onartua (2012ko otsailaren 10ean Bizkaiko Aldizkari Ofizialean argitaratua).

Elorrion, 2026ko apirilaren 22an.

Alkatea, Julene Lazkano Zenitagoia



2026AN EZ-OHIKO KIROL JARDUERETARAKO ELORRIKO UDALAREN DIRULAGUNTZA ARAUTZEN DUTEN OINARRI ESPEZIFIKOAK.

Elorriko Udalak Dirulaguntzen Oinarri arautzaileak onartu zituen 2008ko abenduaren 18an batutako Udaltzaren Ohiko saioan (Bizkaiko Aldizkari Ofizialean 2009ko martxoaren 9an argitaratutakoak). Oinarriek honako aldaketak izan zituzten: lehenengoa, Udaltzaren 2010eko otsailaren 11n onartu zuena (eta BAO n maiatzaren 10ean argitara emana) eta bigarrena, Udaltzaren 2011ko abenduaren 28an onartutakoa (BAOn 2012ko otsailaren 10ean argitaratutakoa).

Horiei eta Udalaren Dirulaguntzen Plan Estrategikoari jarraiki, dirulaguntzak eskatzeko deialdia egiten dut, ondoko oinarrien arabera.

1. HELBURUAK ETA DOTAZIOAK

Deialdiaren helburua: Kirol arloarekin lotura zuzena duten proiektuak diruz laguntzeko prozedura arautzea. 2026 urtea.

Dirulaguntzaren helburua:

- a. Elorriko kirol elkarteek edo beste kirol talde batzuek 2026. urtean egingo dituzten ez-ohiko ekintzak laguntzea. Horretarako, 5.000,00 euroko diru-izendapena dago 2026.3400.481.10 (Kirozentzako ez-ohikoa – Extraordinaria de deportes) diru-atalean.

Aurrekontu-atal honetan dirulaguntzetarako behar izanez gero, diru-hornidura gehigarria egin daiteke, hartarako deialdi berririk egin behar izan gabe.

2.ONURADUNAK

Dirulaguntza hauek kirol elkarteek eskatu ahal izango dituzte baldin eta Dirulaguntzen Lege Orokorraren (38/2003 Legea) 13. Artikuluak edo Dirulaguntzen Udaltzaren Ordenantza Orokorraren 10. artikulua jasotzen dituen egoeretako batean ez badaude.

Martxoaren 16koa 1/2023 Legegintzako Dekretuak, Emakumeen eta Gizonen Berdintasunerako eta Emakumeen Aurkako Indarkeria Matxistatik gabe Bizitzeko Legearen testu bategina onartzen duenak, 2.4. artikuluan ezartzen du dirulaguntzen onuradun direnek 3. artikulua (printzipio orokorrak), 17.a (estatistikak eta azterlanak) eta 19.4.a (hizkera inklusiboa eta ez-sexista) bete behar dutela, udalaren eta onuradunen arteko erlazioari dagokion denboran eta gaian.

Elorriko ekitaldiak antolatzen dituen irabazi asmorik gabeko edozein kirol elkarte izan daiteke dirulaguntza mota honen onuradun.

3.ONURADUN IZATEKO DEBEKUA

Ezin izango dute eskabiderik aurkeztu, ezta onuradun izan ere, Dirulaguntzei buruzko 38/2003 Lege Orokorrean, bereziki 13. eta 14. artikuluetan eta Dirulaguntzei buruzko Udaltzaren Ordenantza Orokorrean jasotako egoera eragozleetako batean dauden kirol-elkarteek.

Ezingo dira onuradun izan administrazio-bidean, lan-bidean edo zigor-bidean berdintasun-eskubidea urratzeagatik eta sexuan oinarritutako bereizkeriari egiteagatik zehazpen irmoa jaso duten pertsona edo entitateak.

Martxoaren 16ko 1/2023 Legegintzako Dekretuak, Emakumeen eta Gizonen Berdintasunerako eta Emakumeen Aurkako Indarkeria Matxistatik gabe Bizitzeko Legearen testu bategina onartzen duenak eta martxoaren 22ko 3/2007 Lege Organikoak, Emakumeen eta gizonen berdintasun eragingarrikoak, xedatzen dituzten betebeharrak betetzen ez dituztenak.

Dirulaguntza edo laguntza publikoak eskuratzea eragozten duen zehapen penal edo administratiboa izatea, edo horretarako ezgaitzen duen legezko debekuren baten eraginpean egotea, Martxoaren 16ko 1/2023 Legegintzako Dekretuaren, Emakumeen eta Gizonen Berdintasunerako eta Emakumeen Aurkako Indarkeria Matxistatik gabe Bizitzeko Legearen testu bategina onartzen duenaren edo Emakumeen eta Gizonen Berdintasunerako martxoaren 22ko 3/2007 Lege Organikoaren arabera sexuaren ziozko bereizkerian erortzeagatik gertatutakoak barne.

Kideak aukeratzeko prozesuan edo lan-jardueran sexuan oinarrituta diskriminatzen duten elkarteak edo erakundeak.



4.EPEAK

- Eskariak aurkezteko:
 - Aurrekontua amaitu arte. Eskabideak iristen diren hurrenkeran ebatziko dira.
- Eskariak ebazteko epea: Udalak sei hilabete baino lehen egin beharko du instrukzioa eta erabakia eman.

5. EMATEKO PROZEDURA ETA IRIZPIDEAK

Dirulaguntzak emateko prozedura lehiakorra izango da.

Ez dira diruz lagunduko ez senidetasun ekitaldietako gastuak (otorduak, esaterako) ez eta elkartearen helburuarekin zerkusirik ez duten bidaia ere.

Dirulaguntzaren zenbatekoa inolaz ere ez da izango, bera bakarrik edo beste batzuekin batera, diru-sarrera edo baliabideak gehitu eta gero diruz laguntzen den jardueraren gastua baino handiagoa.

Kirola eta Gazteria Informazio Batzordeak eskabideak aztertu eta gero, Kirol arloko Idazkaritza Teknikoak egindako balorazioa kontuan hartuta, dagokion irizpena emongo du Elorriko Udalean eskumena duen organoak dirulaguntzen gaineko erabakia har dezan. Irizpenak eskatzaileen zerrenda eta bakoitzarentzat proposatzen den dirulaguntza zenbat den eta ebaluazio-irizpenak zeintzuk izan diren batuko ditu.

Diruz lagundu ahal izango dira honako gastu hauek:

- Kirol-ekipamendua.
- Federazioan inskripzio eta lizentzia-gastuak.
- Partidu edo lehiaketek sortutako gastu zuzenak, hala nola, garaikur, bidaia edo desplazamenduak, kirolari eta teknikarien bazkariak lehiaketa egunetan, epaile gastuak eta partiduetako beste gastu ezinbesteko batzuk.
- Iragarki gastuak.
- Funtzionamendu-gastutzat hartzen direnak, hala nola, tresna informatikoen material txikiak, telefono gastuak, fotokopiak, bulego materiala, postako gastuak eta antzekoak.
- Klubeko langileen soldatak, gizarte segurantzaren eta atxikipenak.
- Primak, dirutan emandako sariak eta opariak.

Ez dira diruz lagunduko:

- Senidetasun edo beste ospakizun batzuetako jatekoak eta edariak.
- Elkartearentzako lan egiteagatik pertsonen ordaindutako dohain eta kalte-ordainak.

Udalak bermatuko du helburu sozialak eta kirola sustatzen duten Elorriko elkarteek lokal bat dutela egoitza gisa, altzari egokiek, interneterako sarbidearekin eta beren jarduerak behar bezala zabaltzeko eta zelaia edo instalazioa doan erabiltzeko baliabideekin.

Eskaerak ebaluatzeko irizpideak

Ezohiko dirulaguntzak emateko prozedura lehiakorra arauz aurreikusitako izapideetara egokituko da. Laguntzak emateko, balorazio-baldintza, -irizpide eta -muga hauek hartuko dira kontuan:

Baldintzak

- Emandako dirulaguntzaren zenbatekoak ezin izango du gainditu eskabidean aurkeztutako proiektuaren gastuen % 100.

Eskabideak baloratzeko irizpideak

Eskabideak irizpide hauen arabera baloratuko dira, gehienez ere 100 punturaino:

1. Elorriko kirol-testuinguruan proiektua sustatzea eta ezartzea. 35 puntu, gehienez. Departamentuaren helburuekin bat etortzea, partehartzaileen kopurua, aurreikusitako eragina, egitasmoaren berrikuntzak, nori zuzendua dagoen, egitasmoaren eskarmentua (zenbat edizio) eta beste elkarte edo entitateekiko elkarlana baloratuko dira



2. Proiektuaren diseinuaren kalitatea. 10 puntu, gehienez. Honakoak baloratuko dira: espero diren emaitzak aipatzea, erabiliko diren ebaluazio tresnen egokitasuna, hedapena egiteko bideak (bai prentsan bai herrian) eta teknologia berrien erabilera.

3. Zeharkako gaien trataera. 15 punturaino baloratuko dira honakoak: euskararen erabilera, partehartze anitza bilatzea, ingurugiroaren zaintza sustatzeko helburua izatea eta genero ikuspegia txertatua izatea.

4. Elkartearen eskarmentua eta izaera. Gehienez 10 puntu. Elkartearen eskarmentua horrelakoak antolatzean, elkartearen partehartzea Udalaren programazioetan edo bestelako elkarrekintzetan alor horretako bakarra izatea, kideen inplikazioa, Gizonezko eta andrazko kideen arteko oreka.

5. Jarduera administrazioetik antolatzeko zaila izatea. Gehienez 5 puntu.

6. Jardueraren bideragarritasun teknikoa eta ekonomikoa. Gehienez 25 puntu. Eskura dauden baliabideekin proiektua gauzatzeko aukera aztertuko da.

Dirulaguntzak emateko irizpideak

Dirulaguntzaren zenbatekoa bi fasetan zehaztuko da: hasierako fase bat, goian aipatutako irizpideetan lortutako puntuazioaren arabera, eta aurkeztutako aurrekontuarekin, zenbatekoen taulan oinarrituta, eta, behin betiko beste fase bat, emandako dirulaguntzen kopurua eta eskuragarri dagoen aurrekontuaren arabera.

1.Fase: Dirulaguntzaren hasierako zenbatekoa finkatzeko, prozedura honi jarraituko zaio:

Lortutako puntuazioa	Lehen fasean lortutako zenbatekoa
85-100 puntu artean	2.000,00 €
70-84 puntu artean	1.600,00 €
50-69 puntu artean	1.300,00 €

6. ESKARIAK

Administrazio Publikoen Administrazio Prozedura Erkidearen 39/2015 Legearen 14.2 artikuluan ezarritakoaren arabera, eskaerak Elorrioko Udalaren plataforma elektronikoaren bidez aurkeztuko dira (www.elorrio.eus).

Aurkeztu beharreko dokumentuak:

- a) Eskari inprimakia behar bezala beteta (I. Eranskina).
- b) Sexu-delituen ziurtagiria, adin txikikoekin jarduerak egiten dituzten pertsonena, baita azken horiekin zuzenean esku har dezaketen beste pertsona batzuen ere.
- c) Proiektu edo ekintzaren aurkezpena balorazio irizpideak kontutan hartuta eta dagokion aurrekontu ekonomikoarekin.
- d) Elorrioko Udalak, eskura dauden datuen bitartekotza-sistemen bidez, datu hauei buruzko beharrezko egiaztapenak eta kontsultak egiteari buruz buruz, baliozko eta arrazoitutako aurkakotza egiten bada, (oinarrietako 17. puntua), ondorengo agiriak aurkeztu beharko dira:
 - Zerga-betebeharrak egunean izatearen ziurtagiria (BFA)
 - Gizarte Segurantzaren Diruzaintza Orokorrearekiko (GSL) betebeharrak ordainduta dituela egiaztatzen duen ziurtagiria.
 - Nortasuna egiaztatzea.
- e) Elorrioko Elkarteen Udal Erroldan ez dauden elkarteek, Eusko Jaurlaritzaren dagokion erroldan izena emanda izanaren egiaztapena aurkeztu beharko dute. Agiri hauek ez dira aurkeztu behar izango aurreko urteetan Elorrioko Udalak egindako deialdietan aurkeztu badira, betiere, agiri horiek edo hauek jasotzen dituzten datuak aldatu ez badira.



- f) Hirugarrenen alta behar bezala beteta. Agiri hau paperean edo online egin daiteke. Agiri hau ez da aurkeztu behar izango aurreko urteetan Elorriko Udalak egindako deialdietan aurkeztu bada, betiere, agiri horiek edo hauek jasotzen dituzten datuak aldatu ez badira.

<https://www.elorrio.eus/eu-ES/lzapideak/Orriak/info-tramite.aspx?id=295cb091-c85c-4be0-b4f4-c485119cdb35>

Eskaera egitean eskatzaileak oinarri hauek eta deialdia baldintza barik onartzen ditu, eta baimena ematen dio Elorriko Udalarari beharrezko egiaztapenak egiteko.

7. PROZEDURA, INSTRUKZIOA ETA ERABAKIA

Prozeduraren instrukzio-organoa gazteria eta kirol arloko teknikaria izango da.

Fase honetan Elorriko Udalak, instrukzio organoaren bitartez, aurkeztu diren proposamenak konparatu eta baloratu beharko ditu.

Eskariak aurkezteko epea amaituta, eskariak aztertuko dira eta, dokumentazioa falta izanez gero, premiazko eskea egingo zaie elkarte interesdunei hamar eguneko epean falta den dokumentazioa aurkez dezaten. Eta jakinaraziko zaie okerrak zuzendu ezean eskaera atzera egindakotzat joko dela.

Epe horren ondoren, udal teknikariak txostena egingo du, informazio-batzordeak ebazpen-organoari bere irizpena proposa diezaion. Txosten horretan jasoko dira, gutxienez, baztertutako eskabide-orriak eta baztertzeko arrazoiak; onartutako eskabide-orriak; jasotako puntuazioa eta eman behar diren dirulaguntzen zenbatekoak, eta oinarrietan aurreikusitako betebeharrak betetzen dituztela.

Erabakia emandakoan, horren berri emango zaie interesdunei, urriaren 1eko 39/2015 Legearen 40 artikulua eta hurrengoek aurreikusten dutena jarraituz.

Hartutako erabakiak administrazio bideari amaiera emango dio, eta erabakiaren kontra Udaleko alkatearen aurrean berraztertze errekurtsoa tartekatze aukera egongo da, edo baita zuzenean administrazioarekiko auzi-errekurtsoa tartekatze Bilboko dagokion auzitegian. Hori guztia, urriaren 1eko 39/2015 Legearen 40. artikulua eta hurrengoek, eta administrazioarekiko auzien jurisdikzioa arautzen duen 29/1998 Legearen arabera.

8. BATERAGARRITASUNA

Dirulaguntza hauek, helburu bera duten beste administrazio edo erakunde publiko edo pribatu, nazionala edo Europakoak, edo nazioarteko beste erakunde batzuetako beste dirulaguntza, laguntza, diru-sarrera edo baliabide batzuekin bateragarriak dira, ez bada dirulaguntzen berezitasunetarikoa, bateragarria ez izatea. Edozein modutan, diru- laguntza inoiz ez da izango diruz laguntzen den proiektuaren gastua baino handiagoa.

9. PUBLIZITATEA

Elkarte onuradunek Elorriko Udaletik jasotako diru laguntzaren publizitatea egingo dute uztailaren 21eko 887/2006 EDak, azaroaren 17ko 38/2003 Diru- laguntzen Lege Orokorra garatzen duen Erregelamenduak, aurreikusten duenari jarraituz.

Diruz lagundutako jardueren publizitateak Elorriko Udalaren babes aipatu beharko du, honela:

- Kartel eta eskuorrietan: Udalaren armarrira agertuko da ekimenaren babesle dela adieraziz. Ekimena antolatzen duen erakunde ere agertuko da.

-Elkarrizketa, aurkezpen edota beste edozein agerraldi publikotan ere ekimenak Udalaren diru- laguntza jaso duela aipatu beharko da, agerpen hori ahozkoa zein idatzizkoa izanda ere.

Ulertzen da publizitateak dirulaguntzaren %10eko balioa izan dezakeela. Beraz, agindu bezala publizitatu ezean, kopuru hori itzultzea eskatuko da.

10. ONURADUNEN BETEBEHARRAK

- Dirulaguntzak oinarri duen helburua lortzea, proiektua burutzea, jarduera egitea edo portaera hartzea.



- Baldintzak bete direla egiaztatzea, eta dirulaguntzak oinarri duen jarduera bete dela eta helburua lortu dela ziurtatzea.
- Kontroleko organo eskudunek egin ditzaketen egiaztatze eta kontrol finantzarioei men egitea, horretarako beharrezko informazio guztia aurkeztuz.
- Diruz lagunduriko jarduerentzat bestelako diru laguntzak, sarrerak edo baliabideak lortu direla jakinaraztea. Jakinarazpen hori jakin bezain laster egin behar da, eta izatekotan, jasotako funtsei emandako aplikazioa egiaztatu aurretik.
- Dirulaguntza emateari buruzko ebazpen-proposamena eman aurretik, bere zerga- betebeharrak eta Gizarte Segurantzaren egunean dagoela ziurtatzea.
- Kasu bakoitzean onuradunari aplikatu dakioken merkataritzarako eta sektoreetarako legeek exijitutako baldintzen arabera, behar bezala, ikuskatutako kontabilitate-liburuak, bideratutako erregistroak eta gainerako agiriak edukitzea, eta dirulaguntzen oinarri erregulatuak eskatutako kontabilitate egoerak eta erregistro zehatzak izatea, egiaztatze eta kontroleko ahalmenean modu egokian garatuko direla bermatzeko.
- Jasotako funtsak aplikatu direla egiaztatzen duten agiriak gordetzea, agiri elektronikoak barne, egiaztatze eta kontroleko jarduerak aurrera eramanean ahal izateko.
- Dirulaguntzen deialdian ezarritako hedatze- neurriak hartzea, dirulaguntzak helburu duen proiektua, jarduera edo portaera Elorriko Udalaren kolaborazioarekin edota finantzazioarekin burutu dela jakinarazteko.
- Jasotako funtsak itzultzea, Dirulaguntzei buruzko Udal Ordenantza Orokorraren 42. artikuluan jasotako kasuetan.

BETEBEHARREKO IRIZPIDEAK BERDINTASUNAREN ARLOAN

4/2005 Legea eta 3/2007 Lege Organikoan ezarritako printzipioak eta betekizunak betetzea.

Onuradunek honako betebeharrak izango dituzte:

- Diruz lagundutako jarduera orok komunikazio inklusiboa erabiltzea, non ez diren erabiliko pertsonak sexu, genero, jatorri edo bestelakoengatik umiliatu, degradatu edo estereotipatzen dituzten irudiak edo idatzizko edozein komunikazio-elementu. Berdintasuna eta pertsonen aniztasuna irudikatzen dituzten irudiak eta hizkuntza bultzatuko dira.
- Memorietan, hala badagokio, onuradunen gutxi gorabeherako kopurua eta generoa bereiztea; baita beraien profila ere: gazteak, adinekoak, aniztasun funtzionaleko pertsonak...
- Erabiliko den material guztietan estereotipo sexistak edo emakumeak diskriminatzen dituen adierazpenik ez agertzea.
- Sexu-jazarpena, sexuan oinarritutako jazarpena eta jokaera transhomofobikoa saihesteko eta arreta egiteko neurriak izatea.
- Dagokionean, dirulaguntzak jaso dituen proiektu orok genero-ikuspegia aintzat hartzea proiektuaren fase guztietan.

BETEBEHARRAKO IRIZPIDEAK HIZKUNTZA ARLOAN

Deialdi honen oinarriak lotuta daude Euskal Autonomia Erkidegoko Autonomia Estatutuko 6.artikuluan ezarritakoari, Euskararen Erabilera Normalizatzeko azaroaren 24ko 10/1982 Oinarrizko Legeak eta hura garatzen duten hizkuntza-ofizialtasun bikoitzaren erregimenari; eta, era berean, Elorriko Udalak onartutako Euskara Ordenantzari. Hori horrela, elebitasunaren eta herritarren hizkuntza eskubideak errespetatuak izan daitezzen, klubek edo kirol elkarteek bi hizkuntzen koofizialtasuna kontuan hartuta bete behar dute euren eginkizuna. Udalak onartutako Hizkuntza Irizpideetako 10.puntuan jasotzen dira hizkuntzak erabiltzeko jarraibideak. Honako hauek lirateke bete beharreko hizkuntza irizpideak:

-Idatzizko komunikazioak: oro har herritarrei zuzendutako idatzizko komunikazioak, hau da, oharra, kartelak, iragarkiak eta beste edozein argitalpen, gutxienez euskaraz argitaratuko dira; euskaraz nahiz gaztelaniaz argitaratu behar izanez gero, euskarazko testua letraren tamainagatik eta erabilitako euskarrian duen kokapenagatik nabarmendu egingo da.

-Ahozko komunikazioak: ahal den neurrian, euskara izango da administrazioarekin zein herritarrekin erabiliko den hizkuntza. Herritarrei zuzendutako ekitaldi publikoetan aurkezpenak euskaraz egingo dira eta, ele bitan egitekotan, lehenengo euskaraz egingo dira. 18 urtetik beherakoei zuzendutako ekitaldiak edo jarduerak euskaraz bakarrik egitea gomendatzen da.



-Komunikabideak eta sare sozialak: Informazioa eta publizitatea euskaraz edo ele bitan emango da.

11. ZURIKETA

Erakunde onuradunek gehienez ere 15 egun balioduneko epean aurkeztu beharko dute dagokien likidazioa, ekitaldia amaitu eta hurrengo egunetik zenbatzen hasita. Hona hemen aurkeztu beharreko agiriak:

- a. Eskari inprimakia atal guztiak beteta (I. Eranskina).
- b. Memoria teknikoa eta balantze ekonomikoa.
- c. Publikazioak eta kartelak, esku-orriak e.a. ale bana.
- d. Fakturen fotokopia.
- e. Ekintza bererako beste dirulaguntza pribatu edo publikoak ez direla jaso adierazten duen aitortpena.
- f. Zerga-betebeharrak eta Gizarte Segurantzarekikoak egunean dituela egiaztatzen duten ziurtagiriak. Ez dira aurkeztu beharko, baldin eta Elorrioko Udalari horiek lortzeko baimena ematen bazaio.

12. ORDAINKETAK

Dagokion likidazioa onartu ondoren ordainduko da dirulaguntza.

13. ARAU-HAUSTEAK, ZEHAPENAK ETA ITZULKETAK

Arau-haustek eta zehapenak, hala nola dirulaguntzaren itzulketak honako araudiak xedatutakora egongo dira: Dirulaguntzen Ordenantza Arautzailea, azaroaren 17ko 38/2003 Legea, Dirulaguntzen Orokorra, eta hau onesten duen uztailaren 21eko Erregelamendua, 887/2006 Errege Dekretu bidez onartua.

14. DATU BABESA

2016/679 Erregelamendu Orokorraren (DBEO) eta abenduaren 5eko 3/2018 Lege Organikoaren (DBLOPDGDD) arabera, eskatzaileari jakinarazten zaio emandako datu pertsonalak honako baldintzen arabera tratatuko direla:

Arduraduna: Elorrioko udala – dpo@elorrio.eus / Datu-babeserako ordezkaria: Elorrioko Udaleko idazkaria - dpo@elorrio.eus

Helburua eta datuak gordetzeko epeak edo irizpideak: Dirulaguntzen izapidetzea.

Legitimizazioa: Dirulaguntzen Lege Orokorra eta Udal Dirulaguntzen Ordenantza Orokorra ezarritako lege-betebeharra.

Kontserbazioa: Datuak gordeko dira aipatutako helburua betetzeko behar den denbora zehatz-mehatz, eta, edozein kasutan, aplikatu beharreko artxibo-araudiak ezartzen duena errespetatuz.

Hartzaileak: Ez zaie daturik lagako hirugarrenei, lege-betebeharririk izan ezean. Arduradunak soilik jakinaraziko dizkie datuak agintari eskudunei, betebeharrak legalak betetzeko edo agintaritza-eskaerei erantzuteko beharrezkoa denean.

Eskubideak: Eskatzaile diren pertsonak eta elkarteek honako eskubideak erabil ditzakete: atzipena, zuzenketa, mugaketa, ezabaketa, aurka egitea edo eramangarritasuna. Horretarako, idatziz jo beharko dute Elorrioko udalaren erregistro orokorrera edo datu-babeserako ordezkariaren helbide elektronikora (dpo@elorrio.eus). NANaren kopia edo sinadura elektronikoa aitortua erantsi beharko da.

Informazio gehigarria: Kontsulta daiteke hemen: <http://www.elorrio.eus>.

Erreferentzia juridikoa: Abenduaren 5eko 3/2018 Lege Organikoa, Datu Pertsonalak Babesteari eta Eskubide Digitalen Bermeari buruzkoa.

Era berean, erreklamazioa aurkeztu ahal izango da Datuak Babesteko Euskal Bulegoan.



15. KLAUSULA GEHIGARRIA

Oinarri espezifiko hauetan jasotzen ez diren gai guztietan Oinarri Erregulatuzaileetan ezarritakoa izango da aplikagarria.

Halaber, 38/2003 Dirulaguntzen Lege orokorrean eta bat datozen gainontzeko lege arauetan ezarritakoari atxikiko zaio.

16. ARAUBIDE JURIDIKOA

Oinarri hauetan aurreikusi ez denerako honako hauetan aurreikusitakora joko da: Dirulaguntzen Udal Ordenantza Orokorra (2010eko maiatzaren 10eko 86 BAO), azaroaren 17ko 38/2003 Legea, Dirulaguntzen Orokorra, eta 887/2003 Errege Dekretua, uztailaren 21ekoa, Dirulaguntzei buruzko azaroaren 17ko 38/2003 Lege Orokorraren Erregelamendua onesten duena.

17. ELKARRERAGINGARRITASUNA

Elorriko Udalak dokumentuak eta informazioa eskatu ahal izango dizkie beste administrazio batzuei, elkarreragingarritasunaren esparruan, Administrazio Publikoen Administrazio Prozedura Erkidearen urriaren 1eko 39/2015 Legearen 28. artikulua eta Gardentasunari, informazio publikoa eskuratzeko bideari eta gobernu onari buruzko abenduaren 9ko 19/2013 Legearen 5. artikulua arabera. Horren helburua da eskatutako dirulaguntzen kudeaketa erraztea eta administrazio-izapideen eraginkortasuna bermatzea.

Udal honek beste administrazio batzuetan norbere datuak eta dokumentuak kontsulta ez ditzan eskubidea du eskatzaileak. Eskubide horretaz baliatzea erabakitzen badu, behar bezala arrazoitutako idatzia egin beharko du, eta zergatia adierazi. Behar den moduan arrazoi gabeko erabateko ezetzik ez da onartuko. Datuak eskatzearen aurka egiteko idatzia dirulaguntzak eskatzeko epean aurkeztu behar du.

Oposiziorako idatzian honako datu hauek zehaztu behar ditu behintzat, eskatzaileak:

- Eskatzailearen datuak.
- Zer dokumentu edo datuei egiten dien aurka zehaztu.
- Informazioa kontsultatzearen aurka egiteko arrazoiak adierazi eta haien justifikazioa.

Eskatzaileak baliozko oposizio arrazoitua aurkezten badu, Administrazioak oposizio hori ebaluatuko du, eta erabakiko du ea egokia den beste administrazio batzuei dokumentuak eskatzen jarraitzea. Oposizioa ezesten bada, dirulaguntza izapidetzeko behar den informazioa eskatuko da.

Dirulaguntzen eskaerak sinatzeak berekin dakar dirulaguntzaren oinarrietako baldintzak onartzea, eta dokumentuak kontsultatzearen aurka egiteko eskubidea aitortzen du, bai eta oposizio hori dirulaguntzen eskabideak aurkezteko epearen barruan modu arrazoituan aurkezteko betebeharra ere.

Arestian adierazitakoa gardentasunaren eta datuen babesaren arloan indarrean dagoen araudiak arautuko du, bereziki, Datu Pertsonalak Babesteari eta Eskubide Digitalak Bermatzeari buruzko abenduaren 5eko 3/2018 Legeak eta (EB) 2016/679 Erregelamenduak, datu pertsonalen tratamenduari dagokionez pertsona fisikoak babesteari buruzkoak.